

განხილულია №11 პედსაბჭოს სხდომაზე 12.09.2023 წ.



„ვამტკიცებ“ შ.პ.ს. „ოქროს აკვანი“ კერძო სკოლის
დირექტორი *მ. მიქაძე* /მ. მიქაძე/
ბრძანება №2/98 12.09.2023 წ.



შ.პ.ს. „ოქროს აკვანი“ კერძო სკოლის პერსონალისა და მშობლის/კანონიერი წარმომადგენლის კანონიერი უფლებების დაცვის მექანიზმები

თავი I. მოსწავლის მშობლის/კანონიერი წარმომადგენლის უფლებები

მუხლი 1. ზოგადი დებულებები

1. სკოლაში უზრუნველყოფილია სასკოლო საზოგადოების წევრების: მოსწავლეების, მოსწავლეთა მშობლების/კანონიერი წარმომადგენლების (შემდგომ „მშობლის“), სკოლის ყველა პერსონალის კანონიერი უფლებების დაცვა. ამ მიზნით: სკოლას აქვს შინაგანაწესი; თითოეული მოსწავლის მშობელთან სკოლა აფორმებს საგანმანათლებლო მომსახურების ხელშეკრულებას, სადაც დეტალურადაა გაწერილი მხარეთა უფლება-მოვალეობები; სკოლას ჰყავს უსაფრთხოებაზე პასუხისმგებელი პირი; სკოლას ჰყავს ექიმი; თითოეულ კლასს ჰყავს დამრიგებელი; სკოლას აქვს სასკოლო სასწავლო გეგმა; სკოლას შემუშავებული აქვს უსაფრთხოებისა და საზოგადოებრივი წესრიგის დაცვის წესი და პირობები.

მუხლი 2. სკოლის შინაგანაწესი

1. თითოეული მოსწავლის მშობელი ვალდებულია იცნობდეს შინაგანაწესს, რომელიც განთავსებულია სკოლის ვებ-გვერდსა და სკოლის შენობაში საინფორმაციო დაფაზე.
2. მოსწავლეების მშობლებს ყოველი სასწავლო წლის დასაწყისში კლასის დამრიგებელი გააცნობს შინაგანაწესს, ასევე შინაგანაწესში შეტანილ ცვლილებებს
3. თითოეული მოსწავლის მშობელს უფლება აქვს:
 - 3.1. თავისუფლად გამოხატოს საკუთარი აზრი და მოითხოვოს მისი პატივისცემა;
 - 3.2. ხელშეუხებელი იყოს მისი რელიგიური თავისუფლება;

- 3.3. დაცული იყოს არასათანადო მოპყრობის, უყურადღებობისა და შეურაცხყოფისაგან;
- 3.4. არ გაამჟღავნოს ინფორმაცია მისი ეთნიკური, რელიგიური, გენდერული იდენტობის შესახებ;
- 3.5. არ გაამჟღავნოს ინფორმაცია მისი ჯანმრთელობის შესახებ თუ ეს საფრთხეს არ უქმნის საზოგადოებრივ ჯანდაცვას ან მოსწავლის სიცოცხლეს;
- 3.6. ფლობდეს ინფორმაციას სკოლის მიერ მოსწავლის შესახებ რომელი მონაცემები მუშავდება, მონაცემების დამუშავების მიზანი და სამართლებრივი საფუძველი, რა გზით შეგროვდა მონაცემები, ვისზე გაიცა მის შესახებ მონაცემები გაცემის საფუძველისა და მიზნის მითითებით;
- 3.7. სკოლის დირექტორთან წარადგინოს საჩივარი/მოთხოვნა სკოლის პერსონალის ან სხვა მოსწავლის ან სხვა მოსწავლის მშობლის მხრიდან თავისი შვილის უფლებების დარღვევის გამო და მოითხოვოს მიყენებული ზიანის სრული ანაზღაურება;
- 3.8. თოთოეული მოსწავლის მშობელს უფლება აქვს სკოლის დირექტორის მხრიდან თავისი უფლებების დარღვევის გამო მიმართოს სასამართლოს და მოითხოვოს მიყენებული ზიანის სრული ანაზღაურება;
- 3.9. მოითხოვოს სკოლის შენობაში შესვლა სკოლის ადმინისტრაციასთან შეთანხმებით;
- 4.0. მოითხოვოს ინდივიდუალური შეხვედრა მასწავლებელთან, სკოლის დირექციის წარმომადგენელთან, სკოლის ექიმთან;
- 4.1. ფლობდეს ინფორმაციას მოსწავლის მიმართ გამოყენებული დისციპლინური ზომების შესახებ.

მუხლი 4. სასკოლო სასწავლო გეგმა

1. ყველა მშობელს აქვს უფლება იცნობდეს სასკოლო სასწავლო გეგმას. სასკოლო სასწავლო გეგმა განთავსებულია სკოლის ვებგვერდზე
2. სასკოლო სასწავლო გეგმას ყოველწლიურად შეიმუშავებს სკოლა ეროვნულ სასწავლო გეგმაზე დაყრდნობით.
3. სასკოლო სასწავლო გეგმის ფარგლებში მშობელს უფლება აქვს:
 - 3.1. დააფიქსიროს პოზიცია სკოლის მიერ შეთავაზებული უცხოური ენებიდან რომელი უცხოური ენის სწავლებას ისურვებდა შვილისთვის.
 - 3.2. დააფიქსიროს პოზიცია ეროვნული სასწავლო გეგმისგან განსხვავებული დამატებითი საგანმანათლებლო ან სააღმზრდელო მომსახურების მიღების შესახებ;
 - 3.3. მოითხოვოს სემესტრული გამოცდა სემესტრული ნიშნის ამაღლების მიზნით
 - 3.4. საშემოდგომო გამოცდის დაძლევის მიზნით მოითხოვოს კონსულტაცია შესაბამის საგანში;

- 3.5 კანონმდებლობით დადგენილი ფორმით შინ სწავლებაზე გადასვლის შემთხვევაში მოითხოვოს შინ სწავლება მისთვის მისაღები ფორმით: პირისპირ ან დისტანციურად;
- 3.6. მიიღოს მონაწილეობა სკოლის მიერ ორგანიზებულ არაფორმალურ აქტივობებში.

მუხლი 5. მშობლის სხვა უფლებები

1. თოთოეულ მშობელს უფლება აქვს:

- 1.1. მოსწავლის ან მოსწავლის მშობლის კანონიერი უფლებების დარღვევის შემთხვევაში, მშობელს უფლება აქვს ისარგებლოს კანონმდებლობით დადგენილი წესით
- 1.2. მშობელს არ აქვს უფლება დაწყებით და საბაზო განათლებას ჩამოაშოროს არასრულწლოვანი.

თავი II. სკოლის პერსონალის კანონიერი უფლებები

მუხლი 6. დასაქმებულის შრომითი უფლება

1. სკოლაში დასაქმებული თითოეული პირის შრომითი უფლებები დაცულია საქართველოს კანონმდებლობით.
2. დასაქმებულს უფლება აქვს:
- 2.1. მოითხოვოს უსაფრთხო სამუშაო გარემოს უზრუნველყოფა;
- 2.2. ისარგებლოს კუთვნილი შვებულებით;
- 2.3. მიიღოს დროებით შრომისუუნარობის გამო კანონმდებლობით დადგენილი დახმარება;
- 2.4. მოითხოვოს შრომის ანაზღაურების დროულად და სრულად გადახდა;
- 2.5. შეწყვიტოს შრომის ხელშეკრულება ხელშეკრულებითა და კანონმდებლობით დადგენილი წესითა და ვადაში.

მუხლი 7. სკოლის შინაგანაწესი

1. სკოლაში დასაქმებული ყველა პირი ვალდებულია იცნობდეს შინაგანაწესს, ასევე შინაგანაწესში შეტანილ ცვლილებებს
2. თოთოეულ დასაქმებულს უფლება აქვს:

- 2.1. მიმართოს სასამართლოს სკოლის დირექტორის მხრიდან თავისი უფლებების დარღვევის გამო და მოითხოვოს მიყენებული ზიანის სრული ანაზღაურება;
- 2.3. დისციპლინური დევნისას ისარგებლოს დუმილის უფლებით, რაც არ ათავისუფლებს მას დისციპლინური პასუხისმგებლობისაგან;
- 2.4. თავისუფლად გამოხატოს საკუთარი აზრი სკოლაში მიმდინარე პროცესებთან დაკავშირებით;
- 2.5. ხელშეუხებელი იყოს მისი რელიგიური თავისუფლება;
- 2.6. ფლობდეს ინფორმაციას მის შესახებ რომელი პერსონალური მონაცემი მუშავდება, მონაცემების დამუშავების მიზანი და სამართლებრივი საფუძველი, რა გზით შეგროვდა მონაცემები, ვისზე გაიცა მის შესახებ მონაცემები გაცემის საფუძვლისა და მიზნის მითითებით;

2.7. არ გაამჟღავნოს ინფორმაცია მისი ეთნიკური, რელიგიური, გენდერული იდენტობის შესახებ;

2.8. არ გაამჟღავნოს ინფორმაცია მისი ჯანმრთელობის შესახებ თუ ეს საფრთხეს არ უქმნის საზოგადოებრივ ჯანდაცვას;

2.9. ფლობდეს ინფორმაციას სკოლის ბიუჯეტისა და წლიური სამოქმედო გეგმის შესახებ.

მუხლი 8. სასკოლო სასწავლო გეგმა

1. სკოლის ყველა პერსონალს აქვს უფლება იცნობდეს სასკოლო სასწავლო გეგმას, რომელიც განთავსებულია სკოლის ვებგვერდზე. გამონაკლისს წარმოადგენს ინდივიდუალური სასწავლო გეგმები

2. მასწავლებელს უფლება აქვს:

2.1. ობიექტური მიზეზების გამო უარი თქვას მოსწავლის შინ სწავლებაზე პირისპირ მეთოდით;

2.2. მიმართოს სკოლის ადმინისტრაციას შესაბამისი სასწავლო რესურსების (თვალსაჩინოება, დამატებითი სახელმძღვანელო, მეთოდური რესურსი) შექმნის მოთხოვნით;

2.3. აიმაღლოს კვალიფიკაცია,

მუხლი 9. სკოლაში პერსონალის მიერ სკოლის მხრიდან მათი კანონიერი უფლებების დარღვევის გასაჩივრება

პერსონალის კანონიერი უფლებების დარღვევის შემთხვევაში, მას შეუძლია იხელმძღვანელოს კანონმდებლობით დადგენილი წესით

მუხლი 10. გარდამავალი დებულებები

1. პერსონალისა და მშობლის/კანონიერი წარმომადგენლის კანონიერი უფლებების დაცვის მექანიზმებს ბრძანებით ამტკიცებს სკოლის დირექტორი.

2. წინამდებარე დოკუმენტში ნებისმიერი ცვლილებისა და დამატების განხორციელება ხდება დირექტორის ბრძანებით.